



**Broj: 12-11-15-451/22**

**Sarajevo, 15. 2. 2022. godine**

Na osnovu člana 70., člana 89. stav (3) Zakona o javnim nabavkama („Službeni glasnik BiH“, broj: 39/14) i preporuke Komisije za provođenje postupka javne nabavke kompjuterskog materijala, putem konkurentskog zahtjeva za dostavu ponuda (obavještenje o nabavci broj: 296-7-1-1-3-1/22 od objavljeno na Portalu javnih nabavki 14. 1. 2022. godine), date u Zapisniku o pregledu i ocjeni ponuda broj: 12-11-15-3490-10/21 od 10. 2. 2022. godine, generalni revizor donosi

## ODLUKU

### o izboru najpovoljnijeg ponuđača i dodjeli ugovora za javnu nabavku kompjuterskog materijala za LOT 1, LOT 2, LOT 3 i LOT 4

#### I

U postupku javne nabavke kompjuterskog materijala za potrebe Ureda za reviziju institucija u Federaciji Bosne i Hercegovine za budžetsku 2022. godinu, putem konkurentskog zahtjeva za dostavu ponuda, Ugovorni organ donio je odluku o izboru najpovoljnije ponude ponuđača i dodjeli ugovora za nabavku kompjuterskog materijala i to za: LOT 1 – Toneri za kolor štampač HP LaserJet CP4525, LOT 2 – Toneri za kolor štampač HP LaserJet ENT M651dn, LOT 3 – Toneri za kolor štampač HP LaserJet ENT M653dn i LOT 4 – Toneri za štampač HP LaserJet M552dn: Defter d.o.o. Sarajevo.

#### II

Zadužuje se Odjeljenje za pravne i opće poslove i ljudske resurse, da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

#### III

Ova odluka stupa na snagu danom potpisivanja.

#### Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik BiH“, broj: 39/14), Odlukom broj: 12-11-15-3490/21 od 30. 12. 2021. godine, pokrenuo postupak javne nabavke kompjuterskog materijala, putem konkurentskog zahtjeva za dostavu ponuda za potrebe Ureda za reviziju institucija u Federaciji Bosne i Hercegovine za budžetsku 2022. godinu.

Postupak javne nabavke je podijeljen na sedam lotova: LOT 1 – Toneri za kolor štampač HP LaserJet CP4525, Lot 2 – Toneri za kolor štampač HP LaserJet ENT M651dn, LOT 3 – Toneri za kolor štampač HP LaserJet ENT M653dn, LOT 4 – Toneri za štampač HP LaserJet M552dn, LOT 5 – Kertridži za kolor štampač HP WidePage Pro 477dw, LOT 6 – Kertridži za kolor štampač HP WidePage Color 556dn i LOT 7 – Toneri/kertridži za monohromatske štampače, kopire i faksove.

Obavještenje o javnoj nabavci, broj: 296-7-1-1-3-1/22 objavljeno je na Portalu javnih nabavki 14. 1. 2022. godine.

Komisija za provođenje postupka javne nabavke kompjuterskog materijala za potrebe Ureda za reviziju institucija u Federaciji Bosne i Hercegovine za budžetsku 2022. godinu imenovana Rješenjem generalnog revizora broj: 12-11-15-3490-1/21 od 12. 1. 2022. godine, provela je postupak javne nabavke u skladu sa Zakonom o javnim nabavkama i podzakonskim aktima te sačinila Zapisnik o otvaranju ponuda od 4. 2. 2022. godine, Analitički prikaz traženih i dostavljenih dokumenata - Kvalifikacija ponuđača broj: 12-11-15-3490-9/21 od 8. 2. 2022. godine i Zapisnik o pregledu i ocjeni ponuda, broj 12-11-15-3490-10/21 od 10. 2. 2022. godine u kojem je konstatovano:

„Na protokol Ugovornog organa blagovremeno je pristigla ponuda od dva ponuđača – Elkom d.o.o. Vitez za LOT 2, LOT 5 i LOT 7 i Defter d.o.o. Sarajevo za LOT 1, LOT 2, LOT 3, LOT 4, LOT 5, LOT 6 i LOT 7.

Na osnovu pregleda dostavljenih dokumenata u odnosu na dokumente i zahtjeve tražene tenderskom dokumentacijom, utvrđeno je da sljedeće:

- Ponuda ponuđača Elkom d.o.o. Vitez za LOT 2 ne ispunjava sve zahtjeve Tenderske dokumentacije s obzirom na to da tehnička/kataloška dokumentacija za ponuđene tonere/kertridže nije dostavljena u skladu s zahtjevima iz tačke 1.2. Aneks III Tehničke specifikacije za LOT 2 kojom je od ponuđača zahtijevano: „Potrebno je na ponudi jasno naznačiti ko je proizvođač tonera/tinti/kertridža, te naznačiti njegovu zvaničnu web stranicu. Dostavljena tehnička/kataloška dokumentacija za ponuđene tonere/kertridže/tinte mora biti vidljiva na web stranici proizvođača tonera/kertridža/tinte (dostaviti isprintane web stranice ili isprintan katalog vidljiv na web stranici proizvođača). Web stranice proizvođača služe kao dokaz da proizvođači tonera/kertridža/tinte, koji se navode u ponudi, zaista proizvode ponuđene tonere/kertridže/tinte, te da ponuđeni toneri/kertridži/tinte zadovoljavaju tražene karakteristike“. Uvidom u ponude ponuđača Elkom d.o.o. Vitez za LOT 2 utvrđeno da nije naznačena web stranica proizvođača, te da dostavljena tehnička/kataloška dokumentacija nije isprintana sa web stranice proizvođača odnosno nije dostavljen isprintan katalog vidljiv na web stranici proizvođača. Ponuđač je u ponudi za LOT 2 (stranica ponude 24) dostavio tehničku/katalošku dokumentaciju u formi dokumenta sačinjenog, potpisanog i ovjerenog od strane ponuđača.
- Ponuda ponuđača Defter d.o.o. Sarajevo za LOT 1, LOT 2, LOT 3, LOT 4 ispunjava sve zahtjeve tražene Tenderskom dokumentacijom.
- U predmetnom postupku javne nabavke Ugovorni organ predvidio je provođenje e-aukcije. Članom 3. stav. (3) Pravilnika o uslovima i načinu korištenja e-aukcije („Službeni glasnik BiH“, broj: 66/16), propisano je: „U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona.“
- S obzirom da je u predmetnom postupku nabavke Ugovorni organ primio jednu prihvatljivu ponudu za LOT 1, LOT 2, LOT 3 i LOT 4 i to ponudu ponuđača Defter d.o.o. Sarajevo e-aukcija se ne može zakazati.
- Cijena ponude ponuđača Defter d.o.o. Sarajevo za LOT 3 manja je od osiguranih sredstva ugovornog organa, dok cijene ponuda za LOT 1, LOT 2 i LOT 4 neznatno prelaze osigurana sredstva ugovornog organa.
- Članom 89. stav (3) Zakona o javnim nabavkama propisano je da: „Kada ugovorni organ primi jednu prihvatljivu ponudu, dodjeljuje ugovor tom ponuđaču i to najkasnije u roku od 10 dana od dana okončanja postupka javne nabavke.“

Komisija je u Zapisniku o pregledu i ocjeni ponude predložila odgovornoj osobi Ugovornog organa da u skladu sa članom 89. stav (3) Zakona o javnim nabavkama ugovor za LOT 1, LOT 2, LOT 3 i LOT 4 dodijeli ponuđaču Defter d.o.o. Sarajevo, s obzirom da je Ugovorni organ primio jednu prihvatljivu ponudu za LOT 1, LOT 2, LOT 3 i LOT 4 i to ponudu ponuđača Defter d.o.o. Sarajevo.

Na prijedlog Komisije Ugovorni organ je donio odluku kao u dispozitivu.

### **Pouka o pravnom lijeku:**

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 5 (pet) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- Defter d.o.o. Sarajevo
- Elkom d.o.o. Vitez
- u spis predmeta nabavke
- a/a

